



2020 йил “19” Март

№ 578а

Боғот шаҳарчаси

Хоразм вилояти ҳокимининг 2020 йил 24 февралдаги “Хоразм вилоятида 2020-2022 йилларга мўлжалланган Худудий инвестиция дастурини амалга ошириш чора-тадбирлари тўғрисида”ги 74қ-қарори ижроси ҳақида

Ўзбекистон Республикаси Президенти Администрациясининг 2020 йил 30 январдаги ПА-1-1726-сонли топшириғи ҳамда бу юзадан вилоят ҳокимининг 2020 йил 24 февралдаги 74қ-сонли қарорининг ижросини таъминлаш, шунингдек Боғот туманининг табиий хомашё, ишлаб чиқариш ва меҳнат ресурсларидан оқилона фойдаланиш, саноат, хизмат кўрсатиш ва кишлоқ хўжалиги соҳаларининг истиқболини белгилаш, ушбу соҳаларни жадал ривожлантириш орқали туман бюджетининг даромадлар базасини кенгайтириш, аҳолининг даромадлари ва турмуш даражасини изчил ошириш мақсадида Ўзбекистон Республикаси “Маҳаллий давлат ҳокимияти тўғрисида”ги қонунининг 6,25-моддаларига асосан

ҚАРОР ҚИЛАМАН:

1. Хоразм вилояти ҳокимининг 2020 йил 24 февралдаги “Хоразм вилоятида 2020-2022 йилларга мўлжалланган Худудий инвестиция дастурини амалга ошириш чора-тадбирлари тўғрисида”ги 74қ-қарори раҳбарлик ва ижро учун қабул қилинсин.

2. Боғот тумани инвестициялар ва ташқи савдо бўлими, иқтисодиёт ва саноат бўлими, бошқа манфаатдор давлат ва хўжалик бошқаруви органлари, туман тижорат банклари томонидан ишлаб чиқилган Хоразм вилоятининг 2020-2022 йилларга мўлжалланган Худудий инвестиция дастури доирасида амалга ошириладиган лойиҳаларнинг манзилли рўйхати (кейинги ўринларда манзилли рўйхат деб аталади):

2020-2022 йилларда амалга ошириладиган инвестиция лойиҳаларининг йиғма параметрлари 1-иловага мувофиқ;

2020-2022 йилларда саноатни ривожлантириш бўйича инвестиция лойиҳаларининг манзилли рўйхати 2-иловага мувофиқ;

2020-2022 йилларда хизмат кўрсатиш соҳасини ривожлантириш бўйича инвестиция лойиҳаларининг манзилли рўйхати 3-иловага мувофиқ;

2020-2022 йилларда кишлоқ хўжалигини ривожлантириш бўйича инвестиция лойиҳаларининг манзилли рўйхати 4-иловага мувофиқ тасдиқлансин.

Ўзбекистон Республикаси Президентининг 2020 йил 9 январдаги “Ўзбекистон Республикасининг 2020-2022 йилларга мўлжалланган инвестиция дастурини амалга ошириш чора-тадбирлари тўғрисида”ги ПҚ-4563-сонли қарорига киритилган туманда амалга ошириладиган ҳудудий инвестиция лойиҳаларининг 5-иловага мувофиқ манзилли рўйхати бажарилиши назоратга олинсин.

3.Туманда 2020-2022 йиллар амалга оширилиши кутилаётган йирик истикболли инвестиция лойиҳаларининг манзилли рўйхати 6-иловага мувофиқ;

Туманда 2020-2022 йилларга мўлжалланган Ҳудудий инвестиция дастурига киритилган лойиҳаларнинг бажарилишини таъминлаш бўйича доимий фаолият юритувчи ишчи гуруҳлар таркиби 7,8-иловаларга мувофиқ тасдиқлансин.

4.Доимий фаолият юритувчи ишчи гуруҳи (С.Қурбонов, Ж.Болтаев):

давлат ва хўжалик бошқарув органлари, туман ҳокимлиги, тижорат банклари билан биргаликда 15 кун муддатда манзилли рўйхатга киритилган инвестиция лойиҳаларининг тармоқ жадваллари ишлаб чиқилишини таъминласин;

манзилли рўйхатга киритилган инвестиция лойиҳаларининг белгиланган муддатларида амалга оширилишини доимий назорат қилсин ва мониторинг натижалари бўйича туман ҳокимига ҳар ҳафтада ахборот киритиб борилсин;

манзилли рўйхатга киритилган инвестиция лойиҳаларини амалга оширишда юзага келадиган муаммоли масалаларни тезкорлик билан ҳал этиш чора-тадбирлари қўрилсин;

зарур ҳолларда, лойиҳа ташаббускорларининг асосланган таклифлари асосида, инвестиция миқдори ва яратиладиган иш ўринларини сақлаган ҳолда манзилли рўйхатга ўзгартиришлар ва қўшимчалар киритиш ҳуқуқи берилсин.

5. Туман инвестициялар ва ташқи савдо бўлими (У.Рўзметов), туман тижорат банклари билан биргаликда манзилли рўйхатга киритилган инвестиция лойиҳаларини ўз вақтида амалга оширилишини таъминлаш мақсадида, лойиҳа ташаббускорларига кредитлар ажратиш учун зарур ҳужжатларни тайёрлашда амалий ёрдам кўрсатилишини таъминласин.


6. Туман ер ресурслари ва давлат кадастри бўлими (Р.Рахимов), туман архитектура ва қурилиш бўлими (Ф.Қурбонов), туман ҳокимлиги билан биргаликда манзилли рўйхатга киритилган инвестиция лойиҳалари амалга ошириш доирасида тадбиркорлик фаолиятини ташкил этиш учун зарур бўлган ер майдонлари ажратилишини ҳамда қурилиш-монтаж ишларини бажаришга рухсатномалар белгиланган тартибда бажарилишини таъминласин.

7. Туман инвестициялар ва ташқи савдо бўлими (У.Рўзметов), иқтисодиёт ва саноат бўлими (И.Рўзметов), туман тижорат банклари, “Боғот туман газ” корхонаси (Р.Худашкуров), “Боғот электр тармоқлари корхонаси” АЖ (Н.Казакбаев) туман ҳокимлигига мазкур қарорга киритилган инвестиция лойиҳалари доирасида маблағларни самарали ўзлаштириш, ўз вақтида молиялаштириш, белгиланган муддатларда ишга тушириш ва ташқи муҳандислик-коммуникация тармоқларига улаш чораларини кўрсин.

8. Манзилли рўйхатга киритилган инвестиция лойиҳаларини белгиланган муддатларда амалга оширилиши учун шахсий масъулият туман ҳокимлиги ва туман тижорат банклари раҳбарларига юклансин.

9. Мазкур қарор ижросини назорат қилиш туман ҳокимининг биринчи ўринбосари С.Қурбонов ва туман ҳокимининг ўринбосари Ж.Болтаев зиммасига юклатилсин.

Боғот тумани ҳокими



О.Холбоев